

LAPURTARREN BILTZARRA. Toki librerik ez zen gelditu Uztaritzeko ikastolak apailatu zuen herri bazkari girotsuan



BOB EDMÉ

Giro paregabea izan zen, atzo, Uztaritzen; eta herritarrek gogoz parte hartu zuten antolatutako ekimenetan.

ARRANGURA

Ez zuten usaiazko mintzaldia egin

Duela zenbait urtetik hona ez da berrikuntzarik izan antolatzaileen taldean. Urteen joan-jinean betiko begitarteak akitu dira, eta ez dirudi hats berriak heldu denik. Hauxe da, bederen, antolatzaileen izenean Arantxa Hirigoienek adierazi zuen arrangura. Hori dela eta, jendearen kontzientzia inarrosteko, ohikoa den mintzaldia ez egitea deliberatu zuten atzokoan.

Aurtengo Lapurtarren Biltzarrera jende pixka bat gehiago bildu bada ere, antolatzaileek diote egun honek urteen zamari buru egin behar diola, eta egokipena atzeman. Horretarako herri, talde eta odol berrien uztia beharko lukete. Mintzaldia bezala, gainerakoa ere ohildu ez dadin, ezinbestekotzat jo dute antolatzaileek jende berriaren etorrera.

Ohiko aldarrikapenen harian bururatu zen igandean XX. Lapurtarren Biltzarra

Goizeko ekitaldian iaz baino orga gutxiago aurkeztu ziren, baina landuagoak zeuden

Aitor Renteria | **UZTARITZE**

Urtero bezala Lapurdiko armariak ireki zuen orgen ibilaldia Uztaritzeko karriketan barna. Goizeko 11:00etan abiatu zen ekitaldia eta, ohi den bezala, besta eta aldarrikapenak uztarturik agertzen ziren herri ezberdinetako orgetan.

Lehen orgak «Uztaritze aldean bereziki ezagutzen den Poliziaren gehiegizko presentzia» salatzen zuen, presoan Euskal Herritza eskatuz. Senpereko orgak, aldiz, herriak uda osoan pairatzen duen «autoen okupa-

zio basatia» salatzen zuen; ohartaraziz udan «bederen 35 minutu» behar direla Senpere zeharkatzeko; eta ordu luzeak Donibane Lohizunera edo Baionara autoz heltzeko. Horrez gain, auto metaketaren ondorioak ere salatzen zituzten, keak, arrabotsak eta abar.

Kanboko orgak kasino berri baten irekitzeko xedea salatzen zuen: «Behin eta berriz eskatu dugu gaztetxe bat herrian, eta buru-belarri ukatu digute; alta, kasinoa egiteko eskakizuna aurkeztu eta, lehen bilkuran, abantzu aho batez onetsi dute

herriko hautetsiek». Kanboko orgarekin batera dantzariak eta erraldoiak zihoazen, Uztaritzeko gaiteroen doinuekin.

Gaztetxearen orde, kasinoa

Mugerreko orgak lur espekulazioa salatzen zuen. «Etxeen prezioak izugarri emendatu dira eta gazteok gaztetxe bat ere ezin dugu ukan», zioen banderola baten ondotik banatzen zituzten traktak. Gazteek ahoak estalirik zituzten gaitetsiz hori dela «euskarak duen errealitatea Mugerren».

Ondotik, Arbona eta Ahetze-

ko Primadera dantza taldeak Makil Txiki dantza eskaini zuen eguerdi aldera, elizaren aitzinean. Ibilaldia ixteko, izugarrizko marrazo erraldoi bat. Bere gibelean, Joseba Davant lezari zuen *Kantauri* txalupa. Hau izan zen kostaldeko gazteek itsasoa- ren egoera salatzeko erabilitako molde biziki ikusgarria. Bi haur zeuden arraunean eta marrazkietan arrantza pelagikoa ere salatzen zen. Orga horretako arduradunek adierazi bezala, «etxetik hasita ohartu behar dugu botatzen dugun oro, artarik ez badugu, itsasora doala,

eta adibide gisa aipa daiteke haur txikiei ezartzen zaizkien xatar bakar batek 500 urte behar dituela itsasoko uretan birrindu eta desagertzeko».

Orgen ibilaldia horrela bururatu zen eguerdi aldera eliza aitzinean, txalapartaren ttakun eta herrenaren taupada artean.

Ondoren urrupaldia egin zen frontoiaren ondoan. 14:00ak aldera, berriz, Uztaritzeko Ikastolak apailatu herri bazkaria egin zuten. Gaiteroen doinu artean murgildu zen arratsaldea patxarara xahutu arte. 17:00ak aldera, ESAITek antolatutako joko garbi partida hasi aitzin, Aitor Sarasuak eta Xanti Iparragirrek bertso bana kantatu zuten. Euskal Selekzioaren alde aritu ziren pilotarien artean Funosas, Etxart eta Etxeleku izan ziren, besteak beste. Eguna Eztanda taldearekin bururatu zen, euriak eguneko eguzkiaren tokia hartu zuelarik.

Kilometroetako EGUNKARIAko 3 hilabeterako harpidetzen zozketan sarituak, hauexek:

Xabier Agirretxe Arruti (Azpeitia)
Jonemikel Intsausti (Urretxu)
Agurtzane Zubizarreta (Oiartzun)
Isabel Gomez Alvarez (Hernani)
Miren Sein Arrieta (Idiazabal)
Joxe Mari Barriola Lazkano (Irura)
Jon Illarramendi (Zarautz)
Aitor Esgueva Landaluze (Ondarroa)

Jon Urbizu Uribe (Donostia)
Agustin Olasagasti Mendizabal (Lazkao)
Eduarne Olamusu Jauregi (Zizurkil)
Maidier Barandiaran Alberdi (Zizurkil)
Margarita Zurutuza (Donostia)
Arkaitz Arzelus Alkorta (Ormaiztegui)

Etxezarreta Garmendia (Lazkao)
Jon Ander Loidi (Aretxabaleta)
Susó Suarez (Oiartzun)
Gema Alcala Ormazabal (Andoain)
Inazio Etxeberria Uranga (Zarautz)
Cesar Soto (Beasain)
Baztarrika Abrego Martxel (Zumarraga)

Iñaki Zubeldia Telletxea (Donostia)
Nekane Martinez Usarralde (Alegia)
Garbiñe Eizmendi (Donostia)
Endika Oñedderra Izagirre (Azkoitia)

Egunkaria